

ხელშეკრულება N 102
სახელმწიფო შესყიდვის შესახებ

ქ. ახალციხე

02 მაისი 2018 წელი

ერთის მხრივ, ახალციხის მუნიციპალიტეტის თვითმმართველი ერთეული (ქ.ახალციხე, კოსტავას №18 ს/5224101317), წარმოდგენილი მერის ზაზა მელიქიძის სახით (შემდგომში - შემსყიდველი) და მეორეს მხრივ, შპს „კოლხა 2014“ (მისამართი: ქ. თბილისის, ვაკე-საბურთალოს რაიონში, დიდი დილომი, დ.თავდადებულის ქ., N 10ა, ბ. 4 ს/5 405040557) წარმოდგენილი დირექტორის პაატა ჭუმბურიძის სახით, (შემდგომში - მიმწოდებელი) ვხელმძღვანელობთ რა სახელმწიფო შესყიდვების კანონმდებლობითა და მიმწოდებლის მიერ წარმოდგენილი სატენდერო წინადადებით NAT180004870 ელექტრონულ ტენდერში „ახალციხის მუნიციპალიტეტის სოფელ აწყურის კულტურის სახლის სარეაბილიტაციო და მიმდებარე ტერიტორიის კეთილმოწყობის სამუშაოების უზრუნველყოფა“, ადგილობრივი ბიუჯეტის სახსრებით, ვდებთ წინამდებარე სახელმწიფო შესყიდვების შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 "ხელშეკრულება სახელმწიფო შესყიდვის შესახებ" (შემდგომ - ხელშეკრულება) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 "ხელშეკრულების ღირებულება" - საერთო თანხა, ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 "შემსყიდველი ორგანიზაცია" (შემდგომ შემსყიდველი)- ორგანიზაცია (დაწესებულება), რომელიც ახორციელებს შესყიდვას;
- 1.4 "მიმწოდებელი" - იურიდიულ ან ფიზიკურ პირი, რომელმაც მოიპოვა გამარჯვება ტენდერში და აფორმებს ან/და (გააფორმა) შემსყიდველთან ხელშეკრულებას სახელმწიფო შესყიდვის შესახებ;
- 1.5 "დღე", "კვირა", "თვე" - კალენდარული დღე, კვირა, თვე.
- 1.6 "სამუშაოს შესრულება" - ხელშეკრულების მე-2 მუხლის 2.1 პუნქტით გათვალისწინებული ხელშეკრულების საგანი.
- 1.7 "ტექნიკური დავალება"- NAT180004870 ელექტრონული ტენდერის სატენდერო დოკუმენტაციის ტექნიკური დავალება.
- 1.8 "ტექნიკური დოკუმენტაცია"- მიმწოდებლის მიერ NAT180004870 ელექტრონული ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

- 2.1 შემსყიდველმა-ახალციხის მუნიციპალიტეტმა გამოაცხადა NAT180004870 ელექტრონული ტენდერი „ახალციხის მუნიციპალიტეტის სოფელ აწყურის კულტურის სახლის სარეაბილიტაციო და მიმდებარე ტერიტორიის კეთილმოწყობის სამუშაოების უზრუნველყოფის“ მიზნით და მიიღო წინადადება შპს „კოლხა 2014“ -საგან აღნიშნული სამუშაოების შესრულებაზე, შემდეგ თანხაზე: **84351.96 (ოთხმოცდაოთხი ათას სამასორმოცდათერთმეტი ლარი და 96 თეთრი) ლარზე.**
- 2.2 შესყიდვის კატეგორია: CPV-45200000-მთლიანი ან ნაწილობრივი სამშენებლო სამუშაოები და სამოქალაქო მშენებლობის სამუშაოები.
- 2.3 ხელშეკრულებით გათვალისწინებული მომსახურების დეტალური აღწერა მოცემულია ტექნიკურ დავალებასა და პრეტენდენტის მიერ წარმოდგენილ ტექნიკურ დოკუმენტაციაში, რომელიც ქმნის მოცემულ ხელშეკრულებას და წარმოადგენს მის განუყოფელ ნაწილს.

3. სტანდარტები

- 3.1 ხელშეკრულებით გათვალისწინებული შესასყიდი სამუშაოები უნდა შესრულდეს ჯეროვნად საპროექტო დოკუმენტაციის, მოქმედი სამშენებლო ნორმებისა და წესების, მსგავსი სამუშაოებისათვის უკვე არსებული სტანდარტებისა და შემსყიდველი ორგანიზაციის მოთხოვნების შესაბამისად. წესებიდან და ნორმებიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს სამუშაო ან/და მიმწოდებლის მიმართ გამოიყენოს ხელშეკრულებით და საქართველოს კანონმდებლობით გათვალისწინებული პასუხისმგებლობის ზომები.

4. ხელშეკრულების ღირებულება

- 4.1 ხელშეკრულების ღირებულება შეადგენს თანხაზე: **84351.96 (ოთხმოცდაოთხი ათას სამასორმოცდათერთმეტი ლარი და 96 თეთრი) ლარს**, დამატებული ღირებულების გადასახადის გათვალისწინებით.
- 4.2 ხელშეკრულების ღირებულება შეიცავს მიმწოდებლის ყველა ხარჯებსა და საქართველოს კანონმდებლობით გათვალისწინებულ გადასახადებს.
- 4.3 წინამდებარე ხელშეკრულების პირობების, მათ შორის ღირებულების შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება, ან უარესდება ხელშეკრულების პირობები შემსყიდველისთვის გარდა საქართველოს სამოქალაქო კოდექსის 398-ე მუხლით გათვალისწინებულ შემთხვევებისა.

4.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

5. ხელშეკრულების შესრულების კონტროლი

5.1 შემსყიდველს ან მის წარმომადგენლებს უფლება აქვთ ხელშეკრულების შესრულების ნებისმიერ ეტაპზე განხორციელონ კონტროლი მიმწოდებლის მიერ ნაკისრი ვალდებულებების შესრულებაზე, რათა დარწმუნდნენ რომ ხელშეკრულებით გათვალისწინებულ ტექნიკურ პირობებს, სამუშაოს მიმდინარეობა კალენდარული გრაფიკის შესაბამისად, საპროექტო დოკუმენტაციით განსაზღვრული სპეციფიკაციები, ხელშეკრულების პირობების და საქართველოში მოქმედი ყველა საჭირო სამშენებლო ნორმები, სტანდარტები და წესები შესაბამისობაშია მიმწოდებლის მიერ ხელშეკრულებით ნაკისრ ვალდებულებასთან, რომელთა დარღვევის შემთხვევაში იგი უფლებამოსილია შეაჩეროს სამუშაოები, შემსყიდველმა წერილობითი ფორმით და დროულად უნდა აცნობოს მიმწოდებელს არსებული ხარვეზების შესახებ.

5.2 იმ შემთხვევაში, თუ შემსყიდველი კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

5.3 მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

5.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების გარანტიის ან სხვა ვალდებულებებისაგან.

6. შესასრულებელი სამუშაოების გაწევის პირობები

6.1 შესასრულებელი სამუშაოების დასახელება: ახალციხის მუნიციპალიტეტის სოფელ აწყურის კულტურის სახლის სარეაბილიტაციო და მიმდებარე ტერიტორიის კეთილმოწყობის სამუშაოების უზრუნველყოფა.

6.2 სამუშაოების შესრულება განხორციელდება მიმწოდებლის სატენდერო წინადადებაში ასახული გრაფიკის მიხედვით სამუშაოების დასრულება უნდა მოხდეს არაუგვიანეს 2018 წლის 09 აგვისტოს ჩათვლით (დანართი: N3-ის შესაბამისად).

6.3 შემსყიდველი და მიმწოდებელი ერთობლივად განიხილავენ გრაფიკის შესრულების მიმდინარეობის საკითხს და საჭიროების შემთხვევაში შეაქვთ გრაფიკში სათანადო ცვლილება.

6.4 ხელშეკრულების დამდებ არც ერთი მხარეს არა აქვს უფლება შეიტანოს გრაფიკში ცვლილება მეორე მხარესთან ურთიერთშეთანხმების გარეშე.

6.5 სამუშაოების განხორციელება უნდა მოხდეს, შემდეგ მისამართზე: ახალციხის მუნიციპალიტეტი, სოფელი აწყური.

7. შესყიდვის ობიექტის მიღება-ჩაბარების წესი

7.1 შესყიდვის ობიექტის მიღება-ჩაბარება შესაძლებელია განხორციელდეს ეტაპობრივად, შესრულებული სამუშაოების შესაბამისად.

7.2 შემსყიდველის მხრიდან შესასრულებელ სამუშაოებზე ზედამხედველობას განხორციელებს შემსყიდველის კონტრაქტორი შპს „ქრიზოლითი“.

7.3 შესყიდვის ობიექტზე შესრულებული სამუშაოების თითოეული ეტაპის დასრულებას მიმწოდებელი წერილობით ატყობინებს შემსყიდველს, რომელსაც თან უნდა ერთვოდეს ფაქტიურად შესრულებული სამუშაოების მოცულობების მიღების აქტს (ფორმა №2). შემსყიდველი უზრუნველყოფს შპს „ქრიზოლითი“ -სათვის წარმოდგენილი დოკუმენტაციის მიწოდებას, რის შემდგომაც შპს „ქრიზოლითი“ შემსყიდველს წარუდგენს მის მიერ დამოწმებულ ფაქტიურად შესრულებული სამუშაოების მოცულობების მიღების აქტს (ფორმა №2), ფარული სამუშაოების აქტს (ასეთის არსებობის შემთხვევაში) და შესრულებული სამუშაოს ფოტომასალას (შესყიდვის ობიექტის დაწყება, მიმდინარეობისა და საბოლოო შედეგის დასურათების წარმოდგენა 3 ეგზემპლარად, სხვადასხვა ხედით, ელექტრონული სახით- CD დისკზე).

7.4 შესყიდვის ობიექტის თითოეულ ეტაპის მიღება-ჩაბარება მოხდება ახალციხის მუნიციპალიტეტის მიერ შექმნილი სახელმწიფო შესყიდვით მიღებული საქონლის, მომსახურებისა და სამუშაოების მიღება-ჩაბარების კომისიის მეშვეობით, ხელშეკრულების 7.3 პუნქტით გათვალისწინებული დოკუმენტაციის წარმოდგენის და შემსყიდველის მიერ შემუშავებული სამუშაოების მიღება-ჩაბარების აქტის გაფორმებით.

7.5 სამუშაოების დამამთავრებელი ეტაპის მიღება-ჩაბარების აქტის გაფორმებიდან, 35 სამუშაო დღის ვადაში, მიმწოდებელმა საკუთარი ხარჯებით უნდა წარმოადგინოს ექსპერტიზის დასკვნა შესრულებული სამუშაოების მოცულობების შესახებ, რის შემდეგაც გაფორმდება ობიექტის დასრულების მიღება ჩაბარების აქტი, ექსპერტიზის დასკვნა შესაძლებელია წარმოდგენილი იქნას შემდეგი ორგანიზაციებიდან, კერძოდ:

ა) სსიპ „ლევან სამხარაულის სახელობის სასამართლო ექსპერტიზის ეროვნული ბიურო“.

ბ) სხვა აკრედიტირებული პირის მიერ, გარდა შპს „ქრიზოლითი“-სა.

7.6 სამუშაოს ხარისხის დაცვის მიზნით, შემსყიდველის მიერ სამუშაოების ეტაპების მიღება-ჩაბარებისას დაკავებული იქნება შესრულებული სამუშაოების ღირებულების 10%, რომლის დაბრუნება მოხდება ორ ეტაპად, კერძოდ:

7.6.1 პირველი ეტაპი - 7%-ის დაბრუნება მოხდება წინამდებარე ხელშეკრულების მე-7 მუხლის 7.5 პუნქტით გათვალისწინებული მიღება-ჩაბარების გაფორმების შემდეგ;

7.6.2 მეორე ეტაპი - 3 %-ის დაბრუნება მოხდება ობიექტის დასრულების მიღება- ჩაბარების აქტის გაფორმებიდან არაუადრეს 90 დღისა და არაუგვიანეს ხელშეკრულების მოქმედების ვადისა, რა დროსაც გაფორმდება შესრულებული სამუშაოს საბოლოო მიღება-ჩაბარების აქტი შპს „ქრიზოლითი“-ის მიერ გაცემული დასკვნის საფუძველზე. იმ შემთხვევაში, თუ ზედამხედველის შპს „ქრიზოლითი“-ს მიერ დაფიქსირებული იქნება შესრულებული სამუშაოს ნაკლი ან უხარისხობა, მიმწოდებელს აღნიშნული თანხა არ აუნაზღაურდება დეფექტების გამოსწორებამდე.

7.7 მიღება-ჩაბარების აქტში (სულ ცოტა) მითითებული უნდა იყოს:

- შესრულებული სამუშაოს დასახელება;

- შესრულებული სამუშაოს ღირებულება;

8. გარანტია

8.1 მიმწოდებელი იძლევა გაწეული სამუშაოების საქართველოში მოქმედი სტანდარტებისადმი შესაბამისობის გარანტიას.

8.2 შესრულებული სამუშაოს საგარანტიო ვადა არის 3 (სამი) წელი ობიექტის საბოლოო მიღება-ჩაბარების აქტის გაფორმების დღიდან, რომლის განმავლობაშიც მიმწოდებელი ვალდებულია შეტყობინების მიღებისთანავე, შემსყიდველის მიერ განსაზღვრულ გონივრულ ვადაში, განხორციელოს ხარვეზების გამოსწორება შემსყიდველის მხრიდან რაიმე დამატებითი დანახარჯების გაწევის გარეშე.

8.3 მიმწოდებლის მიერ ხელშეკრულების მე-8 მუხლის 8.2 პუნქტით გათვალისწინებული ხარვეზების შემსყიდველის მიერ განსაზღვრულ გონივრულ ვადაში გამოუსწორებლობის ან/და დაგვიანებით გამოსწორების შემთხვევაში მხარეს ეკისრება პირგასამტეხლო ხელშეკრულების მე-15 მუხლის 15.1 პუნქტის შესაბამისად.

9. ანგარიშსწორების ფორმა და ვადები

9.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

9.2. მიმწოდებელთან ანგარიშსწორება შესაძლებელია განხორციელდეს ეტაპობრივად, ხელშეკრულებით გათვალისწინებული შესრულებული სამუშაოს მიღება-ჩაბარების აქტის, ფაქტიურად შესრულებული სამუშაოების მოცულობების მიღების აქტის (ფორმა №2), ფარული სამუშაოების აქტის (ასეთის არსებობის შემთხვევაში), შესრულებული სამუშაოს ფოტომასალის და შესაბამისი დამატებული ღირებულების გადასახადის ანგარიშ-ფაქტურის საფუძველზე.

9.3. სამუშაოს ხარისხის დაცვის მიზნით, შემსყიდველის მიერ სამუშაოების ეტაპების მიღება-ჩაბარებისას დაკავებული იქნება შესრულებული სამუშაოების ღირებულების 10%, რომლის დაბრუნება მოხდება ორ ეტაპად, კერძოდ:

9.3.1 პირველი ეტაპი - 7 % დაბრუნება მოხდება წინამდებარე ხელშეკრულების მე-7 მუხლის 7.5 პუნქტით გათვალისწინებული მიღება-ჩაბარების გაფორმების შემდეგ;

9.3.2 მეორე ეტაპი - 3 % დაბრუნება მოხდება ობიექტის დასრულების მიღება-ჩაბარების აქტის გაფორმებიდან არაუადრეს 90 დღისა და არაუგვიანეს ხელშეკრულების მოქმედების ვადისა, რა დროსაც გაფორმდება შესრულებული სამუშაოს საბოლოო მიღება-ჩაბარების აქტი შპს „ქრიზოლითი +“-ის მიერ დაცემული დასკვნის საფუძველზე. იმ შემთხვევაში, თუ ზედამხედველის შპს „ქრიზოლითი +“-ს მიერ დაფიქსირებული იქნება შესრულებული სამუშაოს ნაკლი ან უზარისხოზა, მიმწოდებელს აღნიშნული თანხა არ აღნაზღაურდება დეფექტების გამოსწორებამდე.

9.4 ხელშეკრულების მე-15 მუხლის 15.1 პუნქტის ამოქმედების შემთხვევაში, მიმწოდებლის მიერ გადასახდელი პირგასამტეხლოს თანხის გადახდის შემდგომ განხორციელდება შესრულებული სამუშაოს თანხის ანგარიშსწორება.

9.5. მიმწოდებელთან ანგარიშსწორება განხორციელდება შემდეგი წესით:

მიღება-ჩაბარების აქტის მხარეთა მიერ ხელმოწერიდან 10 სამუშაო დღის განმავლობაში, გარდა 9.4 პუნქტისა, შემდეგ ანგარიშზე:

ბანკის დასახელება: ს.ს. საქართველოს ბანკი

ბანკის კოდი: BAGAGE22

ანგარიშსწორების ანგარიში-ა/ა №GE06BG0000000867940600

10. ფასები

10.1 შემსყიდველის მიერ სამუშაოს შესრულების გაწევის ხელშეკრულებაში მითითებული ფასები არ უნდა აღემატებოდეს მიმწოდებლის მიერ სატენდერო წინადადებაში მითითებულ ფასებს.

11. ხელშეკრულებაში ცვლილებების შეტანა

11.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, "სახელმწიფო შესყიდვების შესახებ" საქართველოს კანონის გათვალისწინებით.

11.4 ხელშეკრულების პირობების ნებისმიერი ცვლილება უნდა გაფორმდეს წერილობით ფორმით ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

12. უფლებების გადაცემა

12.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მესამე პირს მოცემული ხელშეკრულებით გათვალისწინებული თავისი ვალდებულებები.

13. ქვეკონტრაქტორები

13.1 ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს ქვეკონტრაქტორ(ებ)ის აყვანის ან/და შეცვლის შესახებ (ქვეკონტრაქტორის აყვანის აუცილებლობის მიზეზების დასაბუთებით). ქვეკონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივ

მოლაპარაკების საფუძველზე, რომელიც გაფორმდება წერილობითი ფორმით.

13.2 ქვეკონტრაქტორი კომპანია არ უნდა იყოს რეგისტრირებული სახელმწიფო შესყიდვებში მონაწილე არაკეთილსინდისიერ პირთა რეესტრში – „შავი სია“.

13.3 ქვეკონტრაქტორზე წარმოდგენილი იქნას შემდეგი სახის ინფორმაცია:

• შესასრულებელი სამუშაოების დასახელება და ღირებულება;

• ქვეკონტრაქტის ასლი.

13.4 ამ ხელშეკრულების ფარგლებში დადებული ყველა ქვეკონტრაქტის ხელშეკრულების ასლი უნდა წარედგინოს შემსყიდველს.

13.5 ქვეკონტრაქტორის მიერ შესასრულებელი სამუშაოების ჯამური მოცულობა არ უნდა აღემატებოდეს შესასრულებელი სამუშაოების მთლიანი მოცულობის 40%;

13.6 სამუშაოების ნაწილის ქვეკონტრაქტორზე გადაცემით მიმწოდებელი არ თავისუფლდება ხელშეკრულებით ნაკისრი ვალდებულებებიდან.

14. ხელშეკრულების შესრულების შეფერხება

14.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმდებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

14.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

15. ხელშეკრულების პირობების შეუსრულებლობა

15.1 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობის, ან/და დაგვიანებით შესრულების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,3 %-ის ოდენობით.

15.2 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან

16. ხელშეკრულების შეწყვეტის საფუძვლები

16.1 სახელმწიფო შესყიდვების ხელშეკრულება შესაძლებელია შეწყდეს:

ა) მხარეთა ურთიერთშეთანხმების საფუძველზე;

ბ) ცალმხრივად, შემსყიდველის მიერ წერილობითი შეტყობინების საფუძველზე წინამდებარე ხელშეკრულებით გათვალისწინებულ შემთხვევაში;

16.2 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ თუ:

ა) მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი შესასრულებელი სამუშაო ან მისი ნაწილი;

ბ) მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

16.3 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

16.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე თუ :

ა) შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

16.5 ამ მუხლის 16.3 პუნქტით გათვალისწინებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული შესრულებული სამუშაოს ღირებულება.

16.6 მიმწოდებლის მიერ ტექნიკურ დოკუმენტაციით განსაზღვრული სამუშაოს შესრულების გრაფიკის უბეში დარღვევის შემთხვევაში, როდესაც სამუშაოების მიმდინარეობა ხელშეკრულებას თანდართული სამუშაოების შესრულების გრაფიკს ჩამორჩება 30 %-ის ოდენობით, შემსყიდველის იტოვებს უფლებას ცალმხრივად წერილობითი შეტყობინების საფუძველზე შეწყვიტოს ხელშეკრულება.

16.7 იმ შემთხვევაში, თუ მიმწოდებლისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს თანხის ანაზღაურება.

16.8 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

17. ფორს-მაჟორი

17.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

17.2 ამ მუხლის მიზნებისათვის "ფორს-მაჟორი" ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

17.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

18. სადაო საკითხების გადაწყვეტა

18.1 შემსყიდველმა და მიმწოდებელმა ყველა დონე უნდა იხმაროს, რათა ურთიერთმოლაპარაკებების პროცესში ურთერთშეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

18.2 თუ ასეთი მოლაპარაკების დაწყებიდან გონივრულ ვადაში შემსყიდველი და მიმწოდებელი ვერ შეძლებენ სადაო საკითხის ურთიერთშეთანხმების გზით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

19. გამოყენებული სამართალი

19.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

20. ხელშეკრულების ენა

20.1 ხელშეკრულება იდება ქართულ ენაზე.

21. შეტყობინება

21.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეკემის, ტელექსის, ელექტრონული ფოსტის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

21.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

22. გადასახადები და დაბეგვრა

22.1 მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე.

23. ინტერესთა კონფლიქტი

23.1. სახელმწიფო შესყიდვების შესახებ" საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე ხელმოწერნი და კონტროლის განმახორციელებელი პირები სრულად აკმაყოფილებენ ამ კანონის მოთხოვნას და არ იმყოფებიან ინტერესთა კონფლიქტში მიმწოდებელთან.

24. ხელშეკრულების მოქმედების ვადა

24.1 ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2019 წლის 18 მარტის ჩათვლით. გარდა ხელშეკრულებით განსაზღვრული იმ ვალდებულებებისა, რომელთა არსებობაც არ არის დამოკიდებული ხელშეკრულების მოქმედების ვადაზე (საგარანტიო პერიოდის სრულ დასრულებამდე)

25. წინამდებარე ხელშეკრულება ადასტურებს შემდეგს

25.1 მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.

25.2 ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს:

ა) წინამდებარე ხელშეკრულება;

ბ) მიმწოდებლის მიერ წარმოდგენილი სატენდერო წინადადების შესაბამისი შესასრულებელი სამუშაოს განფასება (დანართი: N1);

გ) შესასრულებელი სამუშაოს გრაფიკი (დანართი N3);

დ) ტექნიკური პირობები;

25.3 მიმწოდებელი იღებს ვალდებულებას შეუსრულოს შემსყიდველს ზემოაღნიშნული შესასრულებელი სამუშაოები ხელშეკრულების პირობების შესაბამისად.

25.4 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულების პირობებში ასახულ ვადებში და ფორმით.

25.5 ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება საქართველოს კანონმდებლობის შესაბამისად.

25.6 ხელშეკრულება დადებულია ქართულ ენაზე, 4 (ოთხი) ეგზემპლარად, რომელთაგან თითოეულს აქვს თანაბარი იურიდიული ძალა, ამათგან 1 (ერთი) გადაეცემა მიმწოდებელს, ხოლო დანარჩენი 3 (სამი) რჩება შემსყიდველთან.


26. ხელშეკრულების მხარეთა ხელმოწერები
და საბანკო რეკვიზიტები:

შემსყიდველის სახელით:
ახალციხის მუნიციპალიტეტის
მერი ზაზა მელიქიძე



(ზ.ა)
ქ.ახალციხე, მ. კოსტავას #18
ს/ნ 224101317
ტელ: 0 365 22 08 08
Email: akhaltsikhemia@gmail.com

მიმწოდებლის სახელით:
შპს „კოლხა 2014“
დირექტორი პაატა ჭუმბურიძე



(ზ.ა)
ქ. თბილისის, ვაკე-საბურთალოს
რაიონში, დიდი დიღომი,
დ.თავდადებულის ქ., N 10ა, ბ. 4
ბანკის კოდი: BAGAGE22
ა/ა GE06BG0000000867940600
ს/ნ 405040557
საკონტაქტო ინფორმაცია 995577449685
zviadius@gmail.com